



Ukuhlomisa izingane zethu
ngelikusasa

SS 2

Isihloko sesifundo: Ukubaleka kukaJakobe kanye nephupho

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukubaleka kukaJakobe kanye nephupho**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le SS 2. 2.4: Uyacelwa uthinte uThisha wakho we SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Ukubaleka kukaJakobe kanye nephupho
Umbhalo weBhayibheli	UGenesise 27: 41-46 noGenesise 28
Inhloso yesifundo	Izingane zifunda ukuthi uNkulunkulu useduzane nathi futhi uyasibusisa.

Isifundo esifingqiwe:

- U-Esawu wamzonda umfowabo uJakobe ngoba wamphuca isibusiso sakhe futhi wayefuna ukumbulala ngemuva kokushona kuka-Isaka.
- URebeka wezwa ngalokhu futhi yena no-Isaka bacebisa uJakobe ukuba abalekele ezweni lakubo, eMesophothamiya, athole umfazi khona.
- Ngesikhathi ebaleka, ekupheleni kohambo losuku, waphumula ebusuku. Wathatha itshe walisebenzisa njengomcamelo, lapho walala khona phansi.
- Ngalo busuku, uJakobe waphupha ngendlela exakile. Wabona iladi elilulekele phezulu ezulwini, nezingelosi zikaNkulunkulu zehla zenyuka kulo.
 - Wabona uNkulunkulu uqobo emi eceleni kwakhe, wathi: “NginguJehova uNkulunkulu ka-Abrahama noka-Isaka; izwe olele kulo ngiyakulinika wena nenzalo yakho. Inzalo yakho iyakuba yiningi kakhulu futhi isabalale nxazonke. Ngawe, yonke imindeni yomhlaba iyakubusiswa. Ngiyakukuvikela nomaphi lapho uya khona, ngikubuyisele kuleli lizwe.”
- Ngakusasa ekuseni, uJakobe wavuka enokubonga okukhulu futhi wanikezela itshe ayelisebenzise njengomcamelo ukuze libe yitshe lesikhumbuzo, ngokuthela uwoyela phezu kwalo. UJakobe waqamba leyondawo ngokuthi iBethela, okusho ukuthi “iNdlu kaNkulunkulu”.
- UJakobe wabese enza isifungo kuNkulunkulu: “Uma Wena, Nkosi, unami futhi ungicina noma yikuphi lapho ngiya khona, uzonginika ukudla okwanele nezingubo zokugqoka, ukuze ngibuyele endlini kababa ngokuthula, lapho-ke uzakuba yiNkosi yami noNkulunkulu wami. Leli litshe engilimise laba yisikhumbuzo, lizoba yindlu kaNkulunkulu: futhi kukho konke oyakunginika khona, ngizokupha okweshumi.”

Ingabe sisho ukuthini lesisifundo kithina namhlanje na?

- Noma ngabe senze okuthile okungalungile, uthando lukaNkulunkulu, izibusiso nokuvikelwa kuhlala kutholakala kithi. Asisodwa. UNkulunkulu uhlala eseduze nathi.
- Singabantwana bakaNkulunkulu, futhi uzosinakekela ngoba uyasithanda. Konke okudingeka sikwenze ukulalela imiyalo yaKhe futhi sihlale sithembekile kuYe.
- Kumele sihlale simdumisa futhi simkhonze uNkulunkulu ngazo zonke izinto ezinhle azenzile futhi sikhumbule ukunikela kuYe ngokwe -10 kwemali yethu yephakethe lethu.



Eminye imibuzo esingayibuza:

1. Ingabe yini uNkulunkulu ayithembisa uJakobe ephusheni lakhe na?
Impendulo: Inala yomhlaba / inzalo / izibusiso / ukuvikelwa okuningi
2. Ingabe ucabanga ukuthi uJakobe wazizwa kanjani emva kokuvuka ekuseni ngakusasa na?
Impendulo: Wazizwa ejabulile futhi egcwele ithemba, waze wathatha itshe abecamele kulo lapho ebelele, walenza itshe lesikhumbuzo sokudumisa uNkulunkulu.
3. Ingabe wena uyanikela yini, futhi kungani ucabanga ukuthi kubalulekile ukunikela na?
Impendulo: Vumela ingane iphendule

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes